



Universitätsbibliothek Paderborn

V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicacionem Pagina
Indicabit

V. P. Gasparis Druzbicki, Societatis Jesu, Jesus Passus Per Centuriam
Modorum Meditandi passionem Salvatoris nostri illustratus; cui
accesserunt Meditationes In Passionem Domini XLVI. - Juxta numerum
dierum Quadragesimæ

Druzbicki, Kaspar

Ingolstadii, 1732

VD18 90066405

68. Considerando Passionem Domini per Comparationem Christi, nos
Passionis suæ humilitate ad ejusdem imitationem invitantis, cum diabolo
nos superbiâ suâ ad ejusdem confectationem provocante.

urn:nbn:de:hbz:466:1-45427

quiescit. Idque est quod Paulus in Moysse sum-
 mope commendat, quod majores divitias estima- *Hebr. 11. 26.*
 vit thesauro Ægyptiorum, improprium Christi.
 Neque dubitat ex hoc ipso capite gloriationem,
 consolationemque suam desumere David, di-
 cens Domino. *Opprobria exprobrantium tibi, Ps. 68. 10.*
 ceciderunt super me! quod David fecit Personâ,
 Spiritu, sensuque ipsius Christi, attestante Paulo.
Christus non sibi placuit, sed sicut scriptum est, im- Rom. 15. 3.
 propria impropertantium tibi, ceciderunt super me.
 Quæcumque etiã scripta sunt, ad nostram doctrinam
 scripta sunt, ut per patientiam & consolationem scri-
 pturarum spem habeamus.

MODUS LXVIII.

Sexagesimus octavus Modus meditandi Pas-
 sionem Domini Nostri esse potest, per Com-
 parationem ipsius Domini Nostri Passionis, at-
 que Patientis, & nos ad sui in Passione & Humi-
 litate imitationem invitantis, cum Diaboli inimi-
 tam Christi, quàm nostri superbiâ & elatione,
 perque superbiam & elationem suam nos quo-
 que ad omnem, Christo Patienti, & Humili con-
 trarietatem, quâ verbis; quâ exemplis inducen-
 tis. Habet hunc modum meditandi Gregorius
 Magnus, quem ejus verbis hîc proposuisse suffi-
 ciens Paradigma erit. Sic igitur ille

„Ad hoc Unigenitus Dei Filius formam „ *Lib. 34. mo-*
 infirmitatis nostræ suscepit, ad hoc invisibi- „ *ral. c. 18. n. 22.*
 lis, non solum visibilis, sed etiam despectus „
 apparuit, ad hoc contumeliarum ludibria, ir-
 risionum opprobria, passionumque tormenta
 toleravit, ut superbum non esse hominem

Handwritten notes in a Gothic script, including the word 'Bicki' and other illegible characters.

doceret humilis Deus. Quanta ergo Humili-
 tatis virtus est, propter quam solam veraciter
 edocendam, is qui sine æstimatione Magnus
 est, usque ad Passionem factus est parvus?
 Quia enim originem perditioni nostræ superbia
 præbuit diaboli, instrumentum redemptionis
 nostræ, inventa est Humilitas Dei. Hostis quip-
 pe noster magnus inter omnia conditus, videri
 voluit super omnia elatus: Redemptor autem
 noster Magnus manens super omnia, fieri inter
 omnia dignatus est parvus. Sed melius elationis
 causam detegimus, & humilitatis fundamenta
 aperimus, si brevi commemoratione perstrin-
 gimus, quid mortis author, quid vitæ conditor
 dicat: ille namque ait: In cælum ascendam: iste
 autem per Prophetam dicit: repleta est malis
 anima mea, & vita mea inferno appropinquavit:
 ille dicit: super astra cæli exaltabo solium meum:
 iste humano generi è Paradyfi sedibus expulso,
 dicit: Ecce venio citò, & habitabo in medio
 tui. Ille dicit. Sedebo in monte testamenti in
 lateribus Aquilonis. Iste dicit. Ego sum vermis
 & non homo, opprobrium hominis & abjectio
 plebis. Ille dicit. Iste cùm in forma Dei esset
 non rapinam arbitratus est esse se æqualem Deo,
 sed semetipsum exinanivit, formam servi acci-
 piens; & per membra sua loquitur dicens. Do-
 mine quis similis tibi? Ille per membra sua lo-
 quitur dicens. Nescio Dominum, & Israel non
 dimittam: Iste per semetipsum dicit; Si dixero
 quia non novi eum, ero similis vobis mendax,
 sed novi eum, & sermonem ejus servo: Ille di-
 cit; Mea sunt flumina, & ego feci ea. Iste dicit.
 Non possum à me ipse facere quidquam. Et rur-
 sum.

S:
 ope
 Ju
 N:

sum. Pater meus, in me manens, ipse facit opera. Ille regna omnia ostendens dicit: Tibi dabo potestatem hanc universam, & gloriam eorum: quia mihi tradita sunt, & cui volo do illa. Iste dicit. Calicem quidem meum bibetis: sedere autem ad dexteram vel sinistram meam, non est meum dare vobis, sed quibus paratum est à Patre meo. Ille dicit. Eritis sicut Dii scientes bonum & malum. Iste dicit. Non est vestrum nōsse tempora vel momenta, quæ Pater posuit in sua potestate. Ille, ut voluntas Dei despici, & ut possit propria suaderi, dicit. Cur præcepit vobis Deus, ut non comederetis ex omni ligno paradysi? & paulo post. Scit enim Deus, quod in quacunque die comederitis ex eo, aperientur oculi vestri. Iste dicit: Non quæro voluntatem meam: sed voluntatem ejus, qui misit me. Ille per membra sua loquitur dicens, nullum pratum fit, quod non pertranseat luxuria nostra, coronemus nos rosis, antequam marcescant, ubique relinquamus signa lætitiæ nostræ. Iste membris suis pronuntiat dicens: Plorabitis & flebitis vos, mundus autem gaudebit. Ille nihil aliud mentes sibi subditas docet, quam celsitudinis culmen appetere, cuncta æqualia tumore mentis transcendere, societatem hominum omnium, altâ elatione transire, ac sese contra potentiam Conditoris erigere, sicut de illis per Psalmistam dicitur. Transferunt in dispositionem cordis, cogitaverunt & locuti sunt nequitas, iniquitatem in excelsis locuti sunt. Iste ad sputa, ad palmas, ad Colaphos, ad spineam coronam, ad crucem, ad lanceam atque mortem veniens, membra sua admonet dicens: si quis mihi ministrat, me se-

Ee 5

qua-

Handwritten notes in a cursive script, possibly a later addition or marginalia. The text is partially obscured and difficult to decipher, but appears to contain words like 'Bicki' and 're'.

quatur. Quia igitur Redemptor noster regit
 corda humilium, & Leviathan iste rex dicitur
 superbiorum, aperte cognoscimus, quod eviden-
 tissimum reprobiorum signum superbia est: at
 contra. *Humilitas electorum.* ,,] Hucusque
 Gregorius singulari contrapositione, diaboli
 quidem in superbia perversitatem, Christi verò
 in Passionis humilitate rectitudinem meditationi
 subiecit. Cujus ad instar facile erit, meditando
 dispicere, quomodo idem Dominus Noster JE-
 sus Christus, per Passionem suam docuerit nos,
 Obedientiam, Patientiam, Mansuetudinem,
 Charitatem sive in Deum, sive in Proximum,
 Constantiam, Longanimitatem, Animi Magni-
 tudinem, Mundi & nostri ipsorum contemptum,
 Mortificationem, Perseverantiam, ceterasque
 omnes virtutes & perfectiones, quibus ab ipso
 jam Paradyso diabolus propinaverat omnem
 scelerum virulentiam, puta Rebellionem, Ino-
 bedientiam, Impatientiam, Dei & Proximi
 Contemptum, Mendacium, Levitatem & Molli-
 tiem, tam Carnis quàm Mentis, invidiam, Gulam,
 omnemque sensuum indulgentiam. Quo ex
 genere meditationis, devota mens, tum pluri-
 mas alias utilitates percipiet, tum illam inter
 has, quas idem Gregorius eodem loco suæ jam
 adductæ meditationi subjungit, his verbis. *Cum
 ergo quam quisque (virtutem Christi, aut malitiam
 diaboli) habeat, cognoscitur, sub quo Rege, (Christo
 an diabolo) militet inveniatur. Unusquisque enim,
 quasi quendam titulum portat operis, quo facile osten-
 dat, sub cuius serviat potestate Rectoris.*

MODUS